

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Suspiria pro impetrandis 12. Fructibus Spiritûs Sancti.

[urn:nbn:de:hbz:466:1-50863](#)

fectionum paleas exsuffla : & cymbam animæ meæ ad portum perfectionis & felicitatis æternitatis suaviter & efficaciter dirige.

Veni, ô ignis & flamma divini amoris ! & omnium mortalium pectora succende, purificer à te, ut purificem alios; illuminer à te, ut illuminem alios; accendar à te, ut accendam alios: ideo enim de cœlo mittitis, & quid vis nisi ut accendamus?

FERIA III.

Suspiria pro impetrandis 12. Fructibus Spiritus Sancti.

I.

O Salvator dilectissime ! mihi mox in dulcissimo Eucharistiæ Sacramento intimè conjungende: Tu arbor es cœlestis paradisi adferens fructus duodecim per menses singulos. *Apoc. 22.* Ego verò sum oleaster inutilis ac sterilis; quare instantissimè obsecro; inserar in te velut in bonam olivam, ut fructus bonos & copiosos proficeram. Tu vitis, nos palmites: tu oliva fructifera, nos steriles: tu arbor vitæ, nos mortis propagines: ah inserar in te, uniar tibi, ut auxilio & favore tuo fructus no-

N 4

vos

vos & recentes producam tuis non ab
miles: tu enim dixisti: Qui manducat me-
am carnem & babit meum sanguinem in
me manet, & ego in eo. *Joan.* 6. Mandu-
cem igitur te, ut maneas in me & simus
uterque unis spiritus, quemadmodum
ramus insertus est unus cum suo stipite.

I I.

O Fecundissima vitæ arbor! in medio
Paradisi, seu Ecclesiæ plantata, mox
in corde meo, mediante Sacramento ama-
bili plantanda: profer in me, & fac ut ego
tecum proferam duodecim fructus Spi-
ritus: ac

Primò quidem in hac sacra Commu-
nione excellenter erumpat *Charitas*, que
me cum Deo meo, cum summo Bono
meo, cum Patre & Filio & Spiritu Sancto
intimè conjungat.

I I. Deinde enascatur in anima mea
Gaudium in Spiritu Sancto, quod cor me-
um totum lœtificet atq; confirmet.

III. Oriatur *Pax*, quæ exluperet om-
nem sensum, pacificetque carnem & spi-
ritum, & spiritum meum cum Divino
connectat.

IV.

IV. Exsurgat *Patientia*, quæ in labo-
ribus & tribulationibus exultet adeò, ut
deinceps in nullo glorier, nisi in cruce
Domini nostri Jesu Christi.

III.

O Fertilissima vitæ cœlestis arbor; me
arentem surculum gratiæ succo ine-
bria, ut V. germinet in me *Benignitas*, quæ
omnibus etiam hostibus benefaciat.

VI. Propullulet *Bonitas*, quæ omnibus
me suavem & amabilem reddat.

VII. Protuberet *Longanimitas*, quæ
adversa quævis diu sustineat & speret.

VIII. Crescat *Mansuetudo*, quæ iram
sabinde effervescentem cohbeat, meque
ex animo mitem efficiat.

IV.

O Arbor paradisiaca! sterili cordis mei
fundo committenda, palmitem ari-
dum gratiæ tuæ rore irriga; ut I X. *Fides*
quoque in me vireat quâ cerrissimè cre-
dam, de hoc præsertim fidei mysterio,
quod Deus revelavit, & me obtenturum
confidam quæ promisit.

X. Promicet *Modestia*, quæ omnes in me
anteriores corporis motus decenter com-
ponat & moderetur.

N 5 XI.

XI. Vigeat *Continentia*, quæ passio-
num impetus intra legitimos limites
ontineat.

XII. Denique floreat *Castitas*, quæ
corpus & animam meam angelicâ puni-
tate sanctificet.

Ad extremum, O Jesu Arbor vita nobilissima, per gratiam hujus Sacramenti fructiferi clementer indulge, ut fructi omnes, quos in me producere dignab-
ris, sani sint, recentes, diuturni ac copio-
quibus salus renovatio, ac reformatio spi-
ritus mei constanter ad finem usquevix
conservetur & augeatur. Amen.

FERIA IV.

*Orationes pro obtainendis virtutibus
veluti dispositionibus ad gratias
gratis datas.*

I.

Dominе Jesu Christe, potens opere &
sermone; tu posuisti olim in Ecclesi-
tua primū quidem Apostolos, secundo
Prophetas, tertio Doctores, deinde Virtu-
tes & gratias curationum, cæterasque
dividens singulis pro beneplacito: nun-
quid hodie dum manus tua abbreviata est?